



O Volapükaf lens Valöpo!

Benokömaglidobsös mayuli, bi sevobs, das stom obinon vamikum, e das flors okölon länädi.

Nu gasedil obas id olabon kölis difik ad fredükön reidanis. Tiäd : „Vög Volapüka” pubon me tonats blägik nämik as kösömiko. Red sinifon lanäli, grün progedi e yelov speli. No fümob dö geb blöva! If labols tikamagotis votik, sedolsös onis obe, begö!

Anu efinükob tidodemi nulik : „Volapük Jäfedik.” Labon kobo tidodis teldegjöl. Tidods 21 – 28 konons brefiko jenavi Volapüka; seko primölsans dunölo tidodemi at okanons lärnön bosu dö jenav püka it.

Dil balid tidodema, sevabo : „Volapük pro Alan” pubon me püks difik vel; too dil telid pubon te mé Linglänapük, e desinob ad kobükön dilis tel at ad mekon tidodemi te bali labü tidods foldegel.

Sekü atos, tidodem löpik binon tidodem nulädikün Volapüka atimo. Spelob ladöfiko, das plöponös ad nitedön säkanis tefü püks bevünetik.

Valikosi Gudikün Oles ed Olikanes

sedom

Ralph

LOTER TÖ BABÜLONÄN (FINOT)

Fa hiel Jorge Luis Borges

. . . Leog fibik nestedöfik geböfa obas jiniko ikömon lü el ‚Tiber‘: el Elio Lamprido, in penäd okik : „Lif ela Antoninus Heliogabalus,” äkonom, das lampöran at äpenom su koans fätotis, kelis ögivrölom vüdäbes okik, dat balan ägeton paunis deg goldina e votan musakis deg, benenis deg, bomis deg. Binos nitedik, das el Heliogabalus pidugälom ini Smala-Siyop, bevü kultans goda otnemik.

Binons i tireds nepösodik, nen zeil fümik: tired bal büdon, das smaragoin di Taprobana pösejedonös ini vats flumeda ‚Euphrates‘; tired votik, das böd pölibükonös de nuf tüma seimik; u, das ün yeltum alik grain saba pömoükonös (u pölüükonös) däsärte nilü zif. Seks binons semikna jeikiks.

Ön flun benodälik Kompenäta, geböfs obes binon nu fulü fädöf. Reman degtelata vinafladas no posüpädon, if bal onas kipädon mauläti u sneki; utan, kel penon balädi, ti ai lüükon nuni seimik dobik; id ob, in penäds spidik at, edobükob ba stunidoti semik, ba kruäli semik. Ba id otöfi klänöfik . . .

Jenavans obsik, kels binons sagatiküns vola valik, edatuvons modi ad verätükön vobedis fädöfa; binos famik, das tölats moda at binons (ti ai) konfidabiks; do, klüliko, no paveitükons nen mödot semik pökas. Zuo, nos binon pevenenölum me neverat, ka jenav Kompenäta . . . Doküm vönik, pejüpöl dis failots tema, kanon binön sek loteratireda ädela u bü tumyels. Buk nonik padabükon nen difs smalik vü samäds distik. Penans pronons yuli klänik ad moädön, ad seletön, ad votükön. I lug nestedöfik paplägon.

Kompenät, labü neflagiäl godöfik, viton reklami valasotik. Vobans onik, paspetölo, binons kläniks; büds, kelis ai sedon, no difons de sümädots, kelis dobükans pübons. Zuo, kin kanon-li pleidülön, das binon te dobükan? Brietikan, kel datuvom büdi nesiämik, driman, kel

süpo galikom e deidom me nams lõnik oka vomi, kel slipof nilü om; no dadunoms-li sludi klänik Kompenäta? Jäfidam seilik at, leigodovik lä vob goda, kodon niludamis valasotik.

Balans nenjemo sions, das bü tumyels Kompenät no plu dabinon e neleod saludik lifas obsik binon te võnaoloveik; votikans betikons oni laidüpiki e tidons, das oblebon jü neit lätikün, kü god lätikün odistukon voli. Votikans stetons, das Kompenät binon valanämädik, ab te flunon dinis smalikün: kraxi higoka, däsinoats ruila e püfa, drimilis põ gödalulit . . . Votikans - lehäretals nenjemik -, das noe neföro ädabinon, abi odabinon neai. Votikans, leigoso bapäliks, blöfädons, das no binos veütik ad siön u ad noön dabini Kompenäta, ibä Babülonän binon nos pläämü pled fädas nenfinik.

(Tradutod fa hiel Sérgio Meira)



KONOTÜL LUDRINIK

fa hiel John Redgwell

Ven äbinob cil, pals obik äkonons obe konotüli sököl, kel tefon menis, kels ädrinons in bötöp nilü dom obsik. Konotül at binon veratik!

Ün del seimik in bötöp provid bira pifidrinon. Bötöpacof äsagom: „Bir pefidrinon, klu mutols drinön vati. Leons drinons vati, seko binons nämiks.”

Ab balan drinanas ägespikom : „Kod veratik binon, das leons neai egutons biri !”

VÖD BREFIK

Mems gudik = plaks nulik

CILS KÄPTENA GRANT (fa Jules Verne) (5)

Gōdo koedon lōbunōn alikanis rōlatonod riskādik.
Glun mufon dis futs onas.

„Binos el
Antuco-volkan!”

Flens gleipons klifis dredālīko.
Pamolejedons e rolons
love nlfamasats.
Sūpo bels takādīkons.

„He!”

„Binols-lī us?”

„So jinos!”

„Fūmo mīlag
binon!”

Klōp binom-lī
Robert?”

El Glenarvan
dāšperom;
yunan
enepubom
nenretodiko.



Viloms klemõn spell,
kõ logoms kondori
glaanik, kel pubon vü
klifs, e lõpikon al.
Vü lekluvs lagon kop
nenlifik hieia Robert
Grant.

Too büä kanom neletõn eli Major, illoy jüti laodik
e kondor pejütõl zlikon nevifiko donlo. Flitõms
stõäänik frenons onl äs falajelõm.



REL – DIN GUDIK U BADIK-LI?
fa hiel John Redgwell

Bü vigs anik hiel Tony Blair, ministeran cifik Britäna, älesagom, das God ibüdom omi ad nūfalōn Lirakāni. Lesag at ānofūlon kritanis gudik valōpo. Slamans mödik ālecedons oni as mal, das nūfal at ābinon krig reluk ta lān Slamik. Atos ākodon obi ad sākōn: „Binon-li rel din badik”

Ma suem obik, fon relas valik binon „seved verik,” kel binon i fon valikosa. Mens sevādons oni in oks it e nemons oni „Godi,” „Lalahi,” e r. Pro Budans seved verik somik binon „Nirvana” – stad bina, ōn kel pelibūkoy de lōlet deada e dōnumoteda.

Difs bevū mods, ma kels mens suemons foni bina lōlik, davedūkons heti menas ta utans, kels suemons verati verik difiko. Kodū atos, rel edavedūkon krigis ūn tims pasetik, ed igo preseniko kodon, das mens deidons votikanis kodū lekred onsik. Too bināl utosa, demū kelos feitons e komipons, binon stad bina ot, sevabo: „seved verik.” Stad at binon gudāl verik. Utan, kel lifon ōn stad somik, no vilon dāmūkōn votikanis, ud igo zanōn ko ons tefū lekred onsik.

Ven suemoy verātiko foni rela okik, suemoy, das rels valik binons notodots distōfik fona ot. Seko lecedoy menis valik as blods e sōrs davedōls de fon ot. At binon rel gudik. Votaflano, ven no noloy foni, ab lecedoy relaplagi menas it as bināl rela, no lōfiloy menis, kelas rel difon de rel oyik. At binon rel badik.

Nendoto hiel Tony Blair no āgetom būdi ad tatakōn Lirakāni de fon rela okik, (kel binon i fon relas votik valik). Būd āsexānon de tikāl lōnik. Ābinon slud bolitik, as slud relōfik peklotōl. Bo igo hiel Tony Blair it ākredom, das slud somik pādunon fa God. Kreds somik binons riskādiks, bi kodons, das mens dunons badikosi, kredōlo, das dunons gudikosi.

Relans valik mutons dasevōn, das fon relas valik binon balatik. Mens valik davedons de fon ot, klu mutobs stūmōn relis valikanas. Ekō rel gudik!

SMILOBSÖS !

LÖF BLEINIK

Of: Ai elielob sagön, das löf binon bleinik.

Om: Si! Ab mat binon logavan legudik!

NEMÖGIKOS !

Lamerikānan semik ätävom da Yurop. Ven äbinom tö London, älogom staudöpi, kö äbötoy seimosi ma desir dunetäba. Sekü atos, äbonedom Lamerikānan kanguri su bod peloetöl. Pos minuts anik jibötan ägekömof ed äsagof : „Pidob vemo osi, o söl! ab no labobs bodi!

JITIDAN GRODIK

Jitidan in jul pro cils yunik ägrodox sis tim anik, ab nek tidäbas iküpeton stomägi bigiköl ofa. Ün del seimik tutavan ävisitom juli ad spikön tidäbes dö tuts, ed äkleilükom ones, das daifets e jokolad binons negudiks pro tuts, e jenöfo bigükons oy. Gekömölo ini tidacem, hitidäb smalik älükömom lü jitidan, e, jonölo stomägi ofik, äsagom ofe: „Sevob utosi, o lädül! kelosi edunol!

LÄ SANAN.

Malādan: Fut detik oba dolon obi, o söl!

Sanan: Binos kodü bäldot ola, o söl!

Malādan: Ab fut nedetik labon bäldoti ot, e no dolon obi!!

KONSÄL GUDIK-LI?

Man bäldik visitom sanani. Pos xam staböfik, sanan sagom ome: „Mutol tävön länädio ad sätenidükön oli. Us mutol löädön se bed göliko, golön lü bed tü düp gölik, fidön miti e drinön miligi, e mutol turön kilna a del . . . e mutol smökön zigarülü te bali a del. Pos muls kil man bäldik at gekömom lä sanan, e sagom: „Konsäl olik eyufon obi mödo. Etävob länädio, elöädob se bed ed egolob lü bed göliko, efidob miti ed edrinob miligi – jenöfo edunob valikosi, keli ckomandol obe, ab mutob sagön, das no binos fasilik pö bäldot obik ad primön zigarülismöki!

kroda vöds

HORITÄTIK

1. Talanim vetikün (6)
7. Kripädaŋ nen lims (3)
8. Lõadon göliko (3)
10. Gramatapõsod balid (2)
13. Nim geilükün tala (5)
16. Bõd, kel sevon vegi lomio (5)
17. „Medü“ lafik (2)
18. Malon noli patädik (2)
20. Vegi, kel degolon de veg
cifik nemoy --- vegi (3)
21. Vivon vivoti (6)
22. Põnop pösodik plütik in
plunum (3)
26. Pluamaŋom ladyeka (2)
28. Vegobsõs -- flumed! (2)
29. In top at (2)
30. Lekat natädik (6)
31. „Seko“ me vöd brefikum (3)

PENDITIK

1. Yaganim neitik labü stens blägik (6)
3. Poylmut menamõdoti siniföl (2)
5. Dolavokäd (2)
6. Menaflenaf (3)
9. Pösod säkik manik (3)
12. Balan pos votikan (5)
14. Nim käfik (5)
15. Näsäkil, kel koedon jatõn (4)
19. Põnod rezipik (2)
23. Bõd, kel plidon stomi vamik (4)
24. Jafäb mela (3)
25. Fluk (3)
27. Skin fidovik (3)

